



ШҮБАРДЫҢ «ШҮБАРАЛА» МӘСЕЛЕСІ

5-БЕТ | ӘЛЕУМЕТ



ҚҰЛДЫҚ ҚАМЫТЫ

7-БЕТ | МӘСЕЛЕ



ТӨРТ ЖАНРДЫ ТҮГЕНДЕГЕН

8-БЕТ | РУХАНИЯТ



Қасым-Жомарт ТОҚАЕВ,
ҚАЗАҚСТАН РЕСПУБЛИКАСЫНЫҢ ПРЕЗИДЕНТІ:

Жаңа қағидаттар мен нормаларға сай келісімге келу үшін қолайлы жағдай жасаудың жалғыз жолы – диалог. Сондықтан бүкіл жанжал БҰҰ Жарғысы және жалпыға ортақ халықаралық құқық негізінде шешілуге тиіс. Мен бұған сенімдімін. Қауіпсіздік Кеңесіне жан-жақты реформа жүргізбей, бұл түйткілдің түйінін шеше алмаймыз. Ал Қауіпсіздік Кеңесі тығырықтан шығатын жол таба алар емес.

№20
(4608)
Сенбі
17 ақпан
2024 жыл



ASTANA

ELORDA
AQPARAT
МЕДИА ХОЛДИНГІ

РЕСПУБЛИКАЛЫҚ ҚОҒАМДЫҚ-САЯСИ ГАЗЕТ

А Қ Ш А М Ы

1990 ЖЫЛҒЫ 13 ҚАЗАННАН БАСТАП ШЫҒАДЫ



3



ДИМАШ – БҰҰ ЕЛШІСІ

Қазақстандық музыкант, әнші және композитор Димаш Құдайберген халықаралық ұйым – БҰҰ көші-қон агенттігінің аймақтық ізгі ниетті елшісі (Азиядағы аймақтық рөлі) атанды.

Бұл туралы Dimashnews сайты жазды. Бұл – көші-қон саласындағы жетекші үкіметаралық ұйым. «Мен ХҚҰ-ның ізгі ниетті елшісі ретінде мигранттардың құқықтарын қорғауды мақтан тұтамын. Әрбір адамның құқығы мен мүмкіндіктері үшін аспаны ашық бейбіт әлемді бірге құрайық» деді әлемге әйгілі әнші.

ЕРЕКШЕ БАЛАЛАРҒА – ЕРЕКШЕ ҚАМҚОРЛЫҚ

Шунгит-терапия – айрықша әлемде теңдесі жоқ емнің бір түрі. Шунгит бөлмесіндегі релаксация жүйке кернеуін жеңілдетеді, бас ауруы мен ұйқысыздықты жояды, энергияны және дененің жалпы тонусын арттырады. Осындай шипалы емді астаналық ерекше балалардың денсаулығын түзетуге қолданылады.



2023 жылдың 9 айының қорытындысы бойынша 5,4 млн қазақстандық ел ішінде саяхат жасады, бұл 2022 жылдың сәйкес кезеңімен салыстырғанда 550 мың адамға көп.

Бытырғы жылдың қорытындысы бойынша ішкі туристер саны 9 млн адамға жетеді деген болжам бар. Сондай-ақ қонақүй кешендерінде шетелдік туристер санының айтарлықтай өсуі тіркелді. 2023 жылдың алғашқы 9 айында бұл көрсеткіш 2022 жылдың сәйкес кезеңімен салыстырғанда 1,5 есе өсіп (2022 ж. – 609 мың), 830 мыңнан аса адамға жетті. Есептік кезеңде қонақ үйлер, демалыс базалары, жатақханалар және басқа да орналастыру орындары 175 млрд теңгеден астам табыс тапқан.



Биыл 1 наурыздан бастап уақыт теңестіріледі. Осыған орай Air Astana рейстер кестесін өзгертеді.

Мұндай өзгерістер 1-31 наурыз аралығында Алматы, Астана, Шымкент, Өскемен және Қостанай бағыттары бойынша жоспарланған сапарларға әсер етеді. «Рейстері өзгеріске ұшыраған жолаушыларға сапардың жаңа уақыты туралы ақпараты бар брондау кезінде көрсетілген электронды поштаға SMS-хабарламалар мен хаттар жіберіледі» делінген әуе компаниясының хабарламасында. Бұл ретте сәуірден қазанға дейінгі кезеңге арналған рейстер кестесі 1 наурызда автоматты түрде өзгертіледі. Жолаушыларға бұл туралы да хабар беріледі.



АЙНАЛМА ЖОЛ САЛЫНАДЫ

Биыл Нұрғиса Тілендиев даңғылы мен Шабал Бейсекова көшесіндегі автожолдағы жүктемелі аймақтың мақсатында шағын айналма жол салынады.

Бұл жол көлік қозғалысына, адамдардың жүріп-тұруына және жалпы алғанда, аудандағы жайлылық пен реттілікті қамтамасыз етуге септігін тигізеді. Бұл жаңалық елорданың жол-көлік инфрақұрылымын дамытуға арналған отырыста жария етілді. Мәслихат төрағасы Ерлан Каналимов жыл соңына дейін қалада 32 жаңа бағдаршам орнатылатынын, бірқатар мектеп, балабақша және тұрғын үй кешендеріне апаратын жолдар салынатынын жеткізді.

ВАЛЮТА
БАҒАМДАРЫ

€ EUR/KZT 483 \$ USD/KZT 448.68 ₸ RUB/KZT 4.85 ¥ CNY/KZT 62.38

t.me/elordainfo

www.astana-akshamy.kz



БАЛА ҚАУІПСІЗДІГІ ҚОРҒАЛАДЫ

Мемлекет басшысының өзі айрықша назар аударып отырған мәселенің бірі – мектептегі қауіпсіздік. Жасыратыны жоқ, балалардың қауіпсіздігін қамтамасыз етуде көптеген кемшіліктерге жол беріп отырмыз. Прокуратура өкілдері ашық айтқан жайттар бәрімізді ойландыруы тиіс. Мәселен, балалар мен жасөспірімдер арасындағы құқық бұзушылық, суицид фактілерінің азаймауы – осындай қылмыстардың алдын алу жұмысының жүргізілмеуі я болмаса нашар жүргізілуінің нәтижесі. Бір ғана алаңдатарлық факт, 2023 жылы балаларға қатысты жыныстық сипаттағы қылмыс өскен. Биыл 24 балаға жыныстық зорлық жасалған. Былтыр 83 бала суицид жасап, 12-сі аман қалса, биыл 3 бала өзіне-өзі қол салған. Бұл – бір ғана отбасының қайғысы емес, күллі қоғам болып күресетін мәселе.

Гүлшат САПАРҚЫЗЫ

Астана қаласының Білім басқармасы әдістемелік орталығымен бірлесе отырып Ақселеу Сейдімбек атындағы №54 мектеп-лицей базасында «Қауіпсіз балалық шақ» тақырыбында семинар-кеңес өткізді.

Іс-шараға техникалық және кәсіптік, жалпы орта білім беру ұйымдарының басшылары, мектепке дейінгі білім беру ұйымдарының меңгерушілері, жекеменшік балабақшалардың қауымдастығының және ата-аналар комитетінің мүшелері қатысты.

Жиын Астана қаласы әкімінің орынбасары Есет Байкеннің төрағалығымен өтті, семинар-кеңеске Оқу-ағарту

министрлігінің Балалардың құқықтарын қорғау комитетінің төрағасы Насымжан Оспанова, Астана қаласы прокурорының көмекшісі Әйгерім Өмірзақова, қалалық Полиция департаменті Жергілікті полиция қызметі басқармасы бастығының орынбасары, полиция полковнигі Қанат Нысантаев, Төтенше жағдайлар департаменті бастығының орынбасары Дамир Ермағамбетов, «Назарбаев зияткерлік мектебі» дербес білім беру ұйымының Балалардың әл-ауқаты департаментінің қызметкері Әлия Абкенова, Астана қаласы Білім басқармасы басшысы Қасымхан Сенғазыев қатысып, бала қауіпсіздігіне қатысты баяндамалар жасады, білім беру ұйымдарының

өкілдерінің сұрақтарына жауап берді.

– Кейінгі кездері біздің әлеуметтік қоғамда байқалып жатқан тенденциялық факторлар шұғыл түрде бала қауіпсіздігіне қатысты жиынды жоспардан тыс өткізуді қажет етті, осы бағытта нақты жұмыс жасалуы тиіс деп есептеймін. Күнделікті балалардың қауіпсіздігі, денсаулығы, өміріне жауапты білім мекемелерінің осыған қатысты ең өзекті сауалдарын, мәселелерін дәл осы жерде, осы отырған сарапшылармен бірге талқылап, осы тарапта жұмысты жандандыруымыз қажет. Өйткені мамандар келтірген деректер мен дәйектер, көрсеткіштер алаңдатады. Бұл – балаға, оның отбасына, оқу ордасына қатысты мәлімет қана емес, әр бала біздің ұланымыз, біздің болашағымыз, сондықтан, бұл қоғам болып, бала тәрбиесіндегі олқылықтарға, адам түршігерлік цифрларға бейжай қарамай, оны болдырмауға жанымызды сала күресуіміз қажет, – деді Есет Байкен өзінің сөзінде.

Семинар-кеңесте спикерлер келтірген деректер мен дәйектер, балаға қатысты қылмыстық фактілер, буллингтер, түрлі қиындықтарға тап болуы – балалардың өмірін, денсаулығын сақтау жолында, білім беру мекемелеріндегі қауіпсіздікті қамтамасыз ету бағытында жүйелі шаралар қабылдау керектігін аңғартты. Бұл – мемлекеттің аса маңызды міндеттерінің бірі.

АУҒАН СОҒЫСЫНЫҢ ҚҰРБАНДАРЫН ЕСКЕ АЛДЫ

Астанада Кеңес әскерлерінің Ауғанстан жерінен шығарылғанына 35 жыл толуына орай бірқатар іс-шаралар ұйымдастырылды.

Индира БЕРЖАНОВА

Тарихи күнге орай елордаға еліміздің түкпір-түкпірінен Ауған соғысының ардагерлері жиналды. Алдымен еске алу рәсімі «Отан қорғаушылар» монументіне гүл шоқтарын қоюдан басталды. Бұдан соң іс-шара Ауғанстанда қаза тапқан интернационалист-жауынгерлерге арналған республикалық мемориалда жалғасты. Оған елорда әкімдігі, қалалық мәслихат, Астана қаласының Қорғаныс істері жөніндегі департаменті өкілдері, Ауғанстандағы ұрыс іс-қимылдары ардагерлері қоғамдық бірлестігі, Ресейдің Қазақстандағы елшілігі, Чернобыль, Таулы Қарабақ қақтығы-

сына қатысқан ардагерлер атынан салтанатты түрде гүл себеттері қойылды. Бұдан соң барлық Ауған соғысы ардагері де ескерткішке гүл қойып, қаза тапқан жауынгерлерді 1 минут үнсіздікпен еске алды.

Іс-шара барысында Астана қаласының Ішкі саясат басқармасының басшысы Нұрдәулет Әлмұханов жиналған қауымды айтулы күнмен құттықтап, ардагерлердің ерен ерлігі жас буын үшін жарқын үлгі болып қала беретінін атап өтті.

Қазақстаннан Ауған соғысына 22 мың адам қатысып, олардың 947-сі қаза тапты. Ал қазір Астанада 1233 Ауған соғысының ардагері бар. Солардың бірі – елордалық ардагер Ислам Уахитов.

«Бұл сұрапыл соғысқа 1979 жылы

18 жасымда аттандым. Бұрынғы Көкшетау облысы Уәлихан ауданынан 4 азамат аттанған едік. Соның біреуі – Қабаш есімді сарбаз, өкінішке қарай, 1980 жылы сол жақта қаза болып, мүрдесі елге жіберілді. Оның есімі ескерткіште жазылған. Қалған үшеуміз 1981 жылы елге аман қайттық. Оның екеуі Алматыда болса, мен Астанадамын. Жылдағы үрдіспен біз, Ауған соғысының ардагерлері, қыршын кеткен боздақтарды еске алып, интернационалист-жауынгерлер ескерткішіне гүл шоғын қоямыз» деді ардагер.

Еске алу іс-шарасы Еркеғали Рахмадиев атындағы Мемлекеттік академиялық филармонияда өткен концертпен жалғасын тапты. Онда бес жүзге жуық интернационалист-жауынгерге «Кеңес әскерлерінің Ауғанстаннан шығарылғанына 35 жыл» естелік белгісі табысталды.

Ресейлік оппозиция өкілі Алексей Навальный жұма күні жазасын өтеп жатқан колонияда көз жұмды.

Бұл туралы Федералдық қылмыстық атқару қызметінің өкілдері хабарлады. Ол серуендеуден кейін өзін нашар сезініп, бірден есінен танып қалған. «Барлық қажетті реанимациялық шаралар жүргізілді, бірақ оң нәтиже бермеді. Өлімнің себептері анықталуда».



АҚШ-тың Intuitive Machines аэроғарыштық компаниясы жасаған Айға қону аппараты 15 ақпанда NASA-ның Канаверал мүйісіндегі Кеннеди ғарыш орталығынан көтерілді.

Бұл жарты ғасырдан астам уақыттан бері Айға қонған алғашқы америкалық ғарыш кемесі және жеке компанияға тиесілі тарихтағы тұңғыш ғарыш кемесі болады деп күтілуде.

Сарыарқа ауданы Ардагерлер кеңесінің қорытынды жиналысы өтіп, оған қалалық Ардагерлер кеңесінің төрағасы Сансызбай Есілов, Сарыарқа ауданы Ішкі саясат және әлеуметтік сала бөлімінің басшысы Дамир Хисматуллин қатысты.

АРДАГЕРЛЕР – ҚОҒАМНЫҢ БЕЛСЕНДІ КҮШІ



Нұрлат БАЙГЕНЖЕ

– Сарыарқа ауданында 30 416 зейнеткер тұрады. Оның 19778-і 146 бастауыш ардагерлер ұйымына тіркелді. Соның ішінде бір Социалистік Еңбек Ері, үш Ұлы Отан соғысына қатысушы және 770 тыл еңбеккері, 245 еңбек ардагері тұрады. Өткен жылы 80-нен 95-ке дейінгі және одан жоғары жастағы 345 ардагер назардан тыс қалмай, демеушілер есебінен марапатталып, құрмет көрсетілді. Өткен жылы 3226 зейнеткер 77 концертке, 34 спектакльге, 8 экскурсияға қатысты, – деді Сарыарқа ауданы Ардагерлер кеңесінің басшысы Үлэш Құсайынова.

Сансызбай Есіловтің сөзінше, қарттар қоғамдық істерге ыңтық болып,

қала тұрғындарының ынтымағы мен бірлігінің бекем болуына сүбелі үлес қосып келеді.

– Ардагерлердің тұрмыс жағдайын, оларға қызмет көрсетудің мәдени-тұрмыстық, медициналық және басқа да түрлерін жақсартуға мемлекет үлкен көңіл бөледі. Жастарды патриотизм сезіміне баулуға, ұрпақтар сабақтастығын жалғауда, салт-дәстүрді жаңғыртуда ардагерлердің орны зор, – деді Дамир Хисматуллин.

Айтса айтқандай, Ардагерлер кеңесінің елордада атқарып отырған ауқымды шаруасы көп. Әсіресе, қоғамдық бақылау, қадағалау жұмыстарына белсенді қатысып, мемлекеттік бағдармалардың сапалы орындалуына үлес қосып жүр. Сондай белсенді ардагерлердің еңбегі еленіп, алғыс хатпен арнайы марапатталды.

ЕРЕКШЕ БАЛАЛАРҒА – ЕРЕКШЕ ҚАМҚОРЛЫҚ

Қаңтар айындағы Рождество жәрмеңкесінде түскен қаржылай қолдаудың арқасында «Бақытты шаңырақ» қоғамдық қорында ерекше балаларға арналған шунгит бөлмесі ашылды. Ол ерекше қажеттіліктері бар балаларды оңалту орнына айналды.

Бөлменің қабырғалары, едені мен төбесі толығымен шунгитпен қапталған. Емдік тас денсаулыққа оң әсер етеді. Мұнда бізді қоршап тұрған электромагниттік өріс бірнеше есе азаяды. Мұндай бөлмеде болудың оң әсері осы қасиетке негізделген. Бір процедура-ның орташа ұзақтығы – 30-40 минут.

– Мен қордың қызметіне тамыз айында қосылдым. Елші әйелдері қауымдастығында болғандықтан, түскен қаражат қайда кететіні қызықтырды. Қазақстандағы қайырымдылық іс жасау идеясы туындағанда мен бірден Ботагөз Сұлтановаға қоңырау шалып, орталықтан не ашықсы келетіндерін сұрадым. Олардан шунгит бөлмесін ашу туралы ұсыныс келіп түсті, есеп-қисабы жүргізіліп, өтінім толтырылды. Бөлменің құны 2 млн теңгеден асады, 1,5 млн теңгені ассоциация берді, қалған қаржы жағынан «Отбасы банкі» көмектесті. Бөлме ашылды, жұмыс басталды, енді балалар мен олардың ата-аналары өз денсаулығын осында нығайта алады деп мақтанышпен айтамыз, – деді Қазақстан елшілері әйелдері қауымдастығының өкілі Ләззат Ибрагимова.

Кабинеттің салтанатты ашылуынан кейін балалардың дайындаған концерттік бағдарламасымен іс-шараға қатысқан қонақтар орталыққа шағын

экскурсия жасап, аралап көрді. Салтанатты іс-шараға Франция елшісінің зайыбы Оксана Дидье, Нидерланды елшісінің әйелі Элла Алавердян, Болгария консулы Илон Шелловтың зайыбы, Сыртқы Істер министрінің орынбасары Людмила Василенконың зайыбы, сондай-ақ Болгария елшісінің әйелі Елена Сорокина, Астана қаласы әкімдігінің Ішкі саясат басқармасының, сондай-ақ Алматы ауданы әкімдігінің өкілдері қатысты.

«Бақытты шаңырақ» қорының басшысы Ботагөз Сұлтанованың айтуынша, орталық 2020 жылы жұмысын бастаған. Мұнда ерекше балаларды оңалту процедуралары жүргізіледі, аналарын болашақта жұмысқа орналасу үшін оларды оқытады.

– Ботагөз Сұлтанова басқаратын қоғамдық қор мүгедек балалар мен олардың отбасыларына үлкен қолдау көрсетеді. Менің ойымша, бұл бағытта көп жұмыс істеу үшін үлкен жүрек болуы керек. Жалпы, қала әкімдігі соңғы 3 жыл ішінде орталықпен тығыз байланыста жұмыс істеп келеді, – деп атап өтті Астана әкімдігі Ішкі саясат басқармасының үкіметтік емес секторымен жұмыс бөлімінің басшысы Айдана Қамзаева.

Екатерина ТЫЩЕНКО



№20 (4608) 17/02/2024 Сенбі

ҚАР ШЫҒАРУ ЖАЛҒАСУДА



Астанада қар тазалау жұмыстары қарқынды жүргізілуде. Коммуналдық қызметтер күн сайын 10 мың текше метрден астам қарды қала сыртына шығарып, тәулік бойы күшейтілген режимде жұмысын жалғастыруда.

Қардың қалыпты жағдайдан көп жаууы қала шаруашылықтарына да, жергілікті тұрғындардың тұрмыс-тіршілігіне де көп қолайсыздық туғызады. Әкімшілік аумақтарда, жалпы пайдалану учаскелерінде қармен күрес атқарушы биліктің, арнайы мекемелердің ұйымдастырушы күшімен жүргізіледі. Қардың қалыңдығы соншалық, кей жерлерде тіпті жарты метрге жетер-жетпес. Әрине, қаланың қар тазалау қызметіне қатысты

айтылып жатқан сын-ескертпелер аз емес, дегенмен қар қанша көп жауғанымен, жол қозғалысына уақытша бөгет болғанымен, ол дер кезінде тазаланып келеді.

Кеше таңертең қала бойынша қар тазалау жұмысына 2,4 мыңнан астам жол жұмысшы және 1,6 мыңнан астам арнайы техника жұмылдырылды.

Түнгі мезгілде қала көшелерінен 55,5 мың текше метр қар жиналып, полигондарға

шығарылды. Бұл 4 мыңға жуық ауыр жүк көлігіне тең.

Қыс мезгілінің басынан бері қаладан 339 мыңға жуық рейс арқылы 4,6 млн текше метрден астам қар шығарылды.

Соңғы түні қала бойынша қар тазалау жұмыстарына 166 жол жұмысшысы мен 800-ден астам арнайы техника жұмылдырылды. Күндізгі ауысымда полигондарға қала көшелерінен 41 мың текше метрден астам, яғни 3,1 мыңнан астам ауыр жүк көлеміне тең қар шығарылды.

Қыс басынан бері қаладан жиыны 342 мыңнан астам рейс, яғни 4,6 млн текше метрден астам қар шығарылды. Мамандардың айтуынша, боранды күндері, ауа райының қолайсыздығы кезінде қоғамдық көліктердің жүретін жолдарына көбірек көңіл

аударылады. Осылайша, көше жиектерін, аядамалардың айналасын қардан тазалап, қоғамдық көліктердің еркін жүруіне жағдай жасалады. Қоғамдық көліктерге, жалпы көлік қозғалысына кедергі келтірмеу үшін негізгі жұмыс, орталық көшелерді қардан тазалау жұмыстары түнгі мезгілде жүргізіледі. Сондай-ақ ауа райының қолайсыздығына байланысты тұрғындардың жүріп-тұруына кедергі келтірмеу мақсатында алдымен, көпірлер, магистральдық жолдар мен емхана, мектеп, балабақша секілді аумақтағы барлық әлеуметтік нысандардың маңайы қардан тазаланады.

Қала тұрғындарының қауіпсіз жүруі үшін жолдарға, тротуарлар мен көшелерге құм-тұз қоспасы себілуде.



«ҚАУІПСІЗ ЖОЛ» ЖЕДЕЛ ІС-ШАРАСЫ



Астаналық полицейлер заңсыз жолаушылар тасымалымен айналысып жүрген көлік жүргізушілерін анықтауға кірісті.

«Қауіпсіз жол» жедел профилактикалық іс-шарасы 29 ақпанға дейін жалғасады. Оның аясында такси көліктерінің жолаушылар мен жүктерді тасымалдау ережелерін сақтау тәртібі де тексеріледі.

Ресми мәліметке сәйкес, 5 ақпаннан бері жолаушыларды заңсыз тасымалдаған 9 такси жүргізуші анықталды. Бұдан бөлек, 46 жүргізуші нөмірсіз жүрген. 380 таксиші міндетті

техникалық байқаудан өтпеген. Ал 500 адам жолаушылар мен жүктерді тасымалдау ережелерін бұзған.

«Мәселен, Hyundai көлігін басқарған 35 жастағы Өзбек-

стан Республикасының азаматы ұсталды. Ол «Яндекс» мобильді қосымшасымен адам тасыған. Бірақ қажетті тіркеу құжаттары болмады» дейді полицейлер.

Өзбекстан азаматы көші-қон заңнамасын бұзғаны үшін әкімшілік жауапкершілікке тартылды. Ал көлік айып тұрағына қойылды.

Сарыарқа ауданында «Халықтық қатысатын бюджет» жобасы 6 жылдан астам уақыттан бері жүзеге асырылып келеді. Осы уақыт ішінде тұрғындардың 69 бастамасы іске асты. Өткен жылдың өзінде ауданда 40 аула жаңартылды, оның 24-і аталған жоба бойынша орындалды.

АУЛАНЫ ЖАҢАРТУ ЖОБАСЫ



«Халықтық қатысатын бюджет» жобасы – абаттандыруға бөлінген қаражатты игеруге тұрғындардың қатысуы. Бағдарламаға қатысу үшін елорда тұрғындары ауланы немесе қоғамдық кеңістікті абаттандыру жоспарын дайындап, оны аудандық аппараттың сайтына жүктеуі қажет. Содан кейін жобаны сараптау комиссиясы қарайды және мақұлдаған жағдайда дауыс беру кезеңіне өтеді. Ең көп

дауыс жинаған жобалар іске асырылатын болады.

Ауланы абаттандыру жоспары тұрғындармен бірге толық қаралып, аудандық аппарат мамандарының көмегімен толықтырылады. Ауланы абаттандыру толық күрделі жөндеуді қамтиды. Оның ішінде: орамшілік аумақтарды асфальттау, шағын сәулет нысандарын ауыстыру, спорт алаңдарын жайластыру және т.б.

ӨРТТІҢ АЛДЫН АЛУ

2024 жылдың екінші жартысында елордадағы бизнес объектілеріне өрт қауіпсіздігін қамту мақсатында тексеруге мораторий аяқталады. Бұл туралы қалалық коммуникациялар қызметінде өткен баспасөз мәслихаты барысында Астана қаласы Төтенше жағдайлар департаменті мемлекеттік өрт бақылау басқармасының басшысы Мадияр Мырзагелдиев мәлім етті.

– Жыл басынан бері қала аумағында 30-дан астам өрт шықты. Өрттің шығуына кінәлі адамдарға Қылмыс кодексінің 410-бабы бойынша әкімшілік жауапкершілік барын айта кеткім келеді. Елімізде 3 жыл бойы шағын және орта бизнес объектілерін тексеруге мораторий болды. Дегенмен өртке қарсы профилактикалық іс-шараларды тұрақты өткіземіз, – деді Мадияр Мырзагелдиев.

Одан бөлек, басқарма басшысы қаладағы объек-

ті иелеріне ұсыным хаттар жолданып жатқанын айтты.

– 2024 жылдың екінші жартысынан бастап шағын және орта бизнес объектілеріне кезектен тыс өртке қарсы тексеріс жүргізу мораторий бітеді, – деді М.Мырзагелдиев.

Баспасөз мәслихаты барысында Төтенше жағдайлар департаментінің басқарма басшысы Астанада өрт қауіпсіздігі талаптарының орындалуын бақылау мақсатында хостелдерде кезектен тыс тексеру жүріп жатқанын айтқан еді.

Бетті дайындаған Гүлбаршын ӨКЕШҚЫЗЫ

СУ БАСУ ҚАУІПІ БАР УЧАСКЕЛЕР АНЫҚТАЛДЫ

Астана қаласы Төтенше жағдайлар департаменті алдағы су тасқыны кезеңіне дайындық алдын ала басталғанын мәлімдеді.

Астана қаласы Төтенше жағдайлар департаменті алдағы су тасқыны кезеңіне дайындық алдын ала басталғанын мәлімдеді.

Бүгінге дейін елорда аумағынан 4 миллион текше метрден астам қар шығарылды. 16 мың арық пен 700-ге жуық кәріз жүйесі қардан тазартылған.

Қалалық ТЖД басқармасының бастығы Бақытжан Мәуленбердиевтің айтуынша, төтенше жағдайдың алдын алуға байланысты 16 пункт қарастырылған. «2700 адамға дейін қабылдау орны бар. Су тасқынына қарсы 586 жеке құрам және 160-тан аса техника, 65 мотопомпа құрамы құрылған. Жалпы бас қалада

су басатын қауіпті аумақ көп емес, – деді ТЖД өкілі.

Мәселен, 2023 жылдың қыркүйегінде қаланың 20 су тасқыны қауіп бар учаскелері зерттеліп, аудан әкімдеріне қажетті шараларды қабылдау, атап айтсақ, каналдарды тазалау және төсеу, арық жүйесін орнату және т.б. туралы ұсыныстар айтылды.

«Бүгінгі таңда коммуналдық қызметтер қаладан 4,5 млн текше метрден аса қар шығарды. 17 мыңнан астам кума метр арық-науа желісі, 160 кума метр коллекторлар, 713 дана жаңбыр қабылдау құдықтары тазартылды, 130 кума метр құбыр реттелді. «Астана Таза-лық» базасында 2,5 мың (2213

м3) текше метр құм мен ұсақ тас (135 м3) көлемінде инертті материалдар қоры дайындалды, тағы 11 мың текше метр инертті материалдарды (9 800 м3 құм және 1 943 м3 дресва) жеткізуге келісімшарт бар» деп хабарлады ТЖД.

Бұдан басқа, ТЖ жағдайында азық-түлік пен жанар-жағармай материалдарын жеткізуге 12 меморандум жасалды.

«1 ақпаннан бастап Астана қаласы әкімінің орынбасары сапарлар шеңберінде су тасқыны қауіп бар учаскелерді комиссиялық тексеру бойынша жұмысты жалғастырды. Су тасқыны құбылыстарына уақтылы ден қою мақсатында жеке құрамның 586 адамынан, 156 бірлік техникадан, 65 мотопомпадан тұратын азаматтық қорғау қызметтерінің жалпы тобы құрылды» деп атап өтті ведомствода.



Сондай-ақ ТЖД қала тұрғындары мен қонақтарын үй маңындағы аумақтан көшенің жол бойындағы бөлігіне қарды уақтылы тазартуға, үйден ағынды арықтарға немесе су өткіз-

гіш құбырларға су бұрғыштар ұйымдастыруға, су жүргізу құралдарын алдын ала көздеуге шақырды.

Тұрмыстық электр сорғылары, шелектер, күректер және т.б.

дайын тұруы керек. Су басқан жағдайда iKотек қалалық мониторинг орталығының «109» нөміріне немесе құтқару қызметінің «112» нөміріне дереу хабарлау қажет.

МЕМЛЕКЕТТІК ДУМА ЖӘНЕ ҚАЗАҚ ДЕПУТАТТАРЫ

Ұлттық академиялық кітапханада мемлекет және қоғам қайраткері, тарих ғылымдарының докторы Өмірзақ Озғанбайдың «Ресей Мемлекеттік Думасы және Қазақстан» атты монографиясының таныстырылымы өтті. Іс-шараға Парламент депутаттары, зиялы қауым өкілдері, қаламгерлер қатысты.



Жиынды жүргізген Сенаттың Әлеуметтік-мәдени даму және ғылым комитетінің төрағасы Нұрғөре Жүсіп қазақ халқының тарихын зерделеудің маңызы мен зерттелмеген деректердің орнын толтыру қажеттігін атап өтті.

«Қазақ елінің тарихында әлі де зерттелмей қалған мәселе көп. Солардың ең өзекті таласқа толы тұсы Қазақ елінің Ресей империясы құрамында

болған уақыты деп айтар едім. 1905-1917 жылдар – тарихта еліміз үшін де, Ресей үшін де шытырманға толы қым-қиғаш кезең. Еңбектен осы кезеңдегі Ресейдегі саяси институттардың қалыптасуы, олардағы қазақ элитасының орны жөнінде құнды мағлұматтар мен тың көзқарастарды алуға болады» деді сенатор.

«Қазақ газеттері» ЖШС бас директоры Дихан Қамза-

бекұлы жас ұрпақ үшін Ресей империясының құрамына кіру кезіндегі Қазақстан тарихын зерделеудің маңызы зор екенін атап өтті. Оның айтуынша, бұл Қазақстандағы қазіргі саяси және әлеуметтік процестерді тереңірек түсінуге мүмкіндік беретін тың ойлар мен талдау дағдысын қалыптастыруға ықпал етеді.

Осы уақытқа дейін қоғам дамуы, адам, тағдыр туралы

елуге жуық кітап пен жүздеген мақала жазған профессор Өмірзақ Озғанбайдың 2021 жылы 5 томдық шығармалар жинағы оқырманға жол тартқан еді.

«Ресей Мемлекеттік Думасы және Қазақстан», «Тарих тағылымы», «Қазақтың көсемдігі мен шешендігі астарқанда», «Жарық жұлдыздар», «Тағзым» атты туындылардан түзілген жинақтарда халқымыздың тарихына, тұлғаларына, көсемдері мен шешендерінің ел көсегесін көгерту жолындағы жанкешті іс-әрекетіне шолу жасалады. Бес томдықта оқырманға кезінде Ресей Мемлекеттік Думасына қазақтан депутат болып сайланған қайраткерлер өмірінің бұрын-соңды аз зерттелген тұстары ұсынылады.

Тарихи танымның бетбұрысына өзек болған сүбелі дүниені зерттеуде ғалым халық жадынан алыстаған аяулы есімдерді қайта тірілтеді. Қазақтың алғашқы парламентарийлері Алпысбай Қалменұлы, Ахмет Бірімжан, Әлихан Бөкейхан, Бақтыгерей Құлманұлы, Бақытжан Қаратаев, Молда Тайынұлы, Мұхамеджан Тынышбайұлы, Дәуіт Ноян-Тұндыт, Сәлімгерей Жантөрин, Темірғали Нұрекен, Тілеулі Алдабергенұлы және Шәймерден Қосшығұлұлы есімдері ғалымның іргелі еңбегінің арқасында халқымен қайта қауышады.



«АЛПАМЫС» – «АСТАНА ОПЕРА» САХНАСЫНДА

20 ақпанда «Астана Опера» театры композитор Еркеғали Рахмадиевтің музыкасы мен Кәукен Кенжеттаевтың либреттосына жазылған «Алпамыс» ұлттық қаһармандық операсын көрермен назарына ұсынады.

Спектакльдің қоюшы режиссері болып Ресейдің Халық әртісі, ҚР Мемлекеттік сыйлығының лауреаты Юрий Александров еңбек етті. Музыкалық жетекшісі әрі қоюшы дирижері – Қазақстанның еңбек сіңірген қайраткері Абзал Мұхитдин. Ал кеңесші ретінде композитордың қызы Найля Рахмадиева шақырылды.

Түркі халықтарының көпшілігіне ортақ Алпамыс батыр туралы хикаяны желі еткен жаңа қойылымның айрықша ерекшелігі – оның стилистикасы. Халық эпосы фэнтези түрінде сахналанып, көрнекі әсерлер арқылы жетілдірілген, осылайша қазіргі заманғы талғампаз көрермен керемет музыкадан ләззат алып қана қоймай, әрқашан зұлымдықты жақсылық жеңер ертегінің сиқырлы әлеміне терең бойлайды.

Спектакль режиссері Юрий Александровтың пайымдауынша, ғажайыптармен және түрленулермен қатар, сахнада шекспирлік құштарлық та қыза

түседі. Бұл ретте басты кейіпкер Алпамыс романтикалық тұрғыдан танылған. Ол бес қаруын сайлаған батыр ғана емес, сезімге берік, махаббатқа адал жан, бұл, режиссердің пікірінше, ұлттық эпос кейіпкерлеріне ерекше тән қасиет.

Ауқымды батырлық-эпикалық операны елге танымал сахна майталмандарымен қатар, жас әншілер де орындайды. Алпамыс партиясын Алтынбек Әбілда, оның сүйіктісі Гүлбаршынның партиясын Қазақстанның еңбек сіңірген қайраткері Айгүл Ниязова ұсынады. Ана – Салтанат Мұратбекова, Тайшық хан – Қазақстанның еңбек сіңірген қайраткері Жанат Шыбықбаев, Қаракөз – Қазақстанның еңбек сіңірген қайраткері Салтанат Ахметова, Жырау – Хайдар Мұстапин, Мыстан – Қазақстанның еңбек сіңірген қайраткері Бибігүл Жанұзақ, Кейкуат – Мерей Қадырханов, Қараман – Бейімбет Таңарықов, Ұлтан – Рамзат Балакишиев, Тазша – Аян Жаймағанбетов.

«ТҮС. ҰЙҚЫСЫЗ ТҮНДЕР»

Қалибек Қуанышбаев атындағы мемлекеттік академиялық қазақ музыкалық-драма театрында ертең көрнекті театр және кино актері, Қазақстанның еңбек сіңірген әртісі Асылболат Смағұловтың «Түс. ұйқысыз түндер» перформанс көрмесі өтеді.

– Шедеврлер жазып, кәсіби суретшілермен бәйгеге түсетін ойдан аулақпын. Не социализм, не капитализм емес, қазіргі біздің қоғам сияқты, менің де жұмыстарым примитивизм мен реализмнің арасында адасып жүрген «измдердің» бірі болар. Бүгінде аты әлемге әйгілі суретші Ван Гог марқұм көзі тірісінде бірде-бір картинасын сата алмай, бар өмірі жоқшылықта өткен ғой. Ал қазір оның бір «Күнбағыстары» пәлен миллион доллар! Сол сияқты біздің суреттер де бір замандарда бағалана жатар, – дейді көрме иесі.

А. Смағұлов Құрманғазы атындағы консерваторияны бітіріп, «драма актері» мамандығын алып шыққаннан кейін еңбек жолын Торғай облысында бастап, кейін Астанадағы



Қ. Қуанышбаев атындағы драма театрында жалғастырған. «Қыз Жібек» спектаклінде Бекежан

рөлін сомдағаны үшін «ҚР еңбек сіңірген әртісі» атағына ие болған. Тбилисиде өткен

халықаралық жастар театрлары фестивалінің дипломанты атанған. Орта Азия мен Қазақстан театрларының халықаралық байқауында гран-при жеңіп алған. «Апиын», «Ұмытпа мені», «Көшпенділер», «Біржан сал», «Елім-ай», «Қазақ хандығы» фильмдерінде басты және қосалқы рөлдерді бейнелеген. Белгілі театр сыншысы Әшірбек Сығай «Мүзбалақ қарақшы, қаражүрек қаззап Бекежанды сәл-пәл сүйкімділікке сүйрелеген, оның сұсты жүзіне аз-кем қан жүгірткен Алаш актері Асылболат Смағұлов болды» десе, Қазақстанның Халық жазушысы Сәкен Жүнісов «Қыз Жібектегі» «Асылболат-Бекежан» – қазақ театры сахнасындағы үлкен құбылыс» екенін атап көрсеткен.

НЕ? ҚАЙДА? ҚАШАН?

«ТҮЙМЕ ҚЫЗ»
17 ақпан 12:00
Астана қуыршақ театры

«СЕН МАҒАН КЕРЕКСІҢ»
17 ақпан 18:00
Қаллеки театры

«КҮНДЕЛІК»
18 ақпан 19:00
Ә. Мәмбетов атындағы театр

ХОП МУЗЫКАСЫНЫҢ КОНЦЕРТІ
18 ақпан 17:00
Astana Opera